



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Tit. XXIX. De Officio Et Potestate Judicis Delegati.

[urn:nbn:de:hbz:466:1-62169](#)

- TIT. XXIV. De Officio Archipresbyteri. *Ibid. Tit. xx.*
 TIT. XXV. De Primicerio, ejusque officio. *Ibid. Tit. xi.*
 TIT. XXVI. De officio Sacrifice. *Ibid.*
 TIT. XXVII. De officio Custodis. *Ibid.*
 TIT. XXVIII. De officio & potestate Vicarii. *Ibid. Tit. xxii.*

IN TIT. XXIX. DE OFFICIO ET POTESTATE JUDICIS DELEGATI.

SUMMARIUM.

1. *Iudices alii ordinarii, alii delegati, & qui ordinarii.*
2. *Qui delegati.*
3. *Delegati non possunt subdelegare.*
4. *Exceptis delegatis S. Pont. & Imperatoris.*
5. *Delegati judicium ordinariorum quando possint subdelegare.*
6. *Delegatus ad unam causam an possit ejus articulum alteri subdelegare.*
7. *Differentia inter judicem datum & cui mandata est iurisdictionis.*

Andreas Alciatus, Jurisconsultus omnium iudicio doctissimus, lib. 1. *Parad. c. 1. in fine*, materiam hujus Tituli ad similitudinem hydrarum, propter nimiam ejus perplexitatem: si quidem adeo involuta est, ut, si unum caput, id est, unam difficultatem sustuleris, alia capita non deficiant, sed potius alia atque alia renascantur. Non tamen idcirco animo dejectimur, ut hunc Titulum intactum relinquamus, cuius magna est in praxi utilitas. Rem breviter more nostro agemus, omisssis inutilibus & nimis argutis questib; quae magis conturbant quam ornant hanc materiam, de quibus fortasse loquitur Alciatus.

Itaque ut facilius ingressus pateat, sciendum est, alios esse Judices ordinarios, alios delegatos. Ordinarii dicuntur, qui iurisdictionem exercent jure magistratus, sive officii, quod publicè sustinent, quales sunt in foro Ecclesiastico S. Pont. Episcopus, item Legatus Sedis Apostolicæ, c. 2, *De officio deleg. in 6. Item Archidiaconus, c. 3. De appellat. in 6.* aliqui inferiores Prælati, qui ex consuetudine, vel ex privilegio iurisdictionem habent, d. c. 3, & ibi DD. juncto c. Cum contingat 13, inf. de foro compet. & c. dilecti 4, inf. de arbitris & l. 1. cum l. fin. C. De emancipat. quibus iuribus probatur iurisdictionem acquiri etiam consuetudine, aut præscriptione, & eam quidem ordinariam in foro sæculari: ut sunt Imperator, Præfes provinciæ, cui hodie successere Duces, Comites, Marchiones, Barones, Præfetus urbis, Prætor, aliqui simi-

les. Nam hi omnes eo ipso, quod ad eis modi dignitates vel publica officia adsumuntur, iurisdictionem simul consequuntur, ac proinde jure suo dicuntur exercere iurisdictionem, non alieno, l. More s, D. De iurisdictione omnium iudicium. Quo circa & Rectorem Academicum recte inter ordinarios recensimus.

Delegati Judices sunt, qui ab ordinariis iudicibus mandatis habent iurisdictionem, a l. More s. in fine cum l. seq. D. De iurisdictione. Siquidem ordinariis permisum est iurisdictionem suam aut totam, aut unam speciem, aut in certas personas, uni vel pluribus demandare, ut pasim hoc tit. & lib. 6. eod. & in l. Solet. 6. cum l. seq. D. d. tit. De iurisdictione. Atque ideo Judices delegati dicuntur fungi vice eis, qui delegavit, non suâ, d. l. scilicet fin. & c. Sanè hoc tit. Et cum delegati Judices, non jure proprio, sed vice eius, qui mandavit, iurisdictione utantur, consequens est alium sibi subdelegare non posse, l. 1. §. qui mandatam, l. 3, & l. fin. D. De officio ejus cui mandat. est iurisdictio & d. l. More cum l. seq. Unde si is, qui mandavit, decesserit, re integra, hoc est, antequam res est cœpra geri, mandatum solvitur, & definit esse delegatus; instar aliorum mandatorum, quæ similiter, re integrâ, morte mandantis expirant, l. Et quia 6, D. De iurisdictione juncto §. item si adhuc insit Demandatio. Res autem intelligitur hoc loco cœpra geri, si saltet citatio inter venerit, c. Gratuum 20, hoc tit.

Singulare est in delegatis S. Pontificis & Imp. quod horum delegati subdelegandi habeant potestatem, idque a iure, propter prerogativam dignitatis, c. Pastoralis 28, hoc tit. l. A. Iudice s. C. De iurisdictione & l. un. C. Qui prosua iurisdictio & c. Adeo, ut licet plures sint eiudem causa delegati, possint hinc iluminis non solum sibi extraneum substituere, verum etiam condelegato suo vices suas committere, c. Quamvis 6, & c. fin. hoc tit. & c. Casum 62. in fine inf. De appellat.

Aliud tamen in delegatis aliorum ordinariorum receptum est, ut, si ipsius universitas causarum delegata sit, similiter possint causam aliquam subdelegare, per text. in l. 1. §. l. D. Quis à quo appelle-

tur, &c. Cum Prator 12. §. De iudic. & tradit Bart. ex communis DD. sententia in d. l. Morenum. 10. De iudic. Hodie delegati quasi ordinarii sunt, ex opione Panorm. in c. Cum Bertholdus num. 20 inf. De sent. & re iud.

Quāratione idem existimat Bart. in delegato ad unam causam, ut & is possit subdelegare articulum ejusdem causae: sed hoc minus recte, propter text. in d. l. Cum Prator 1. quo non permittitur delegatio nisi iis, qui à lege vel more, id est, consuetudine habent, vel qui ad universitatem causarum delegati sunt. Quippe judicandi munus necessarium est, ut loquitur text. in l. fin. §. judicandi D. Demunerib. & honorib. atque idcirco à se rejici, & in alium transferri non potest: unde si alter fieri, necesse est id lege vel more permittatur. Quod igitur Bart dicit, delegatum ad unam causam posse articulum ejusdem causae subdelegare, mihi non videtur probabile, propter d. l. Cum

Prator 5. 4. Nisi esset actus non jurisdictionalis, ut est examinatio testium, quando scilicet Jūdex prius personas testium approbavit, deinde alteri committit eorum depositiones; quia haec res non est jurisdictionis, sed nudæ executionis ministerii. Panorm. ex DD. communis sent. in c. Super questionum 47. in pr. numero nono circa fin. hoc tte.

Postremò hic minimè negligendum est, quod tradit And. Alciat in Rubr. inf. De off. ordinarii num. 6, cum seqq. differentiam esse inter Judicem, cui jurisdictione mandata est, & eum, qui Jūdex datus est, ut illi subdelegare sit permissum, huic minimè. Cui eti favere videatur text. in l. 1. D. Quid à quo appell. tamen aperc̄ ip̄i refragatur text. in l. A. Indice 5, in fine C. De iudic. ubi datus Jūdex à Principe alium potest dare Judicem, ergo ex manda- ta jurisdictione.

In Cap. Si pro debilitate 3.

SUMMĀRIA.

1. Delegato S. Pont. cur permissa subdelegatio.
2. Delegationi Principis simpliciter facta inest potestas subdelegandi.
3. Persona idonea qua quibus subdelegari possint.
4. An & iusta causa subdelegari debet.
5. Quid si delegatus se malitiosè exoneret judicandi munere.
6. An & quatenus opus consilio vel presentia subdelegari.
7. Causa graves qua dicantur.

Hoc Cap. agitur de S. Pontificis delegato, cui liberum est causam sibi commissam subdelegare alteri, si justè impediatur; hac tamen limitatione adhibita, nisi causæ qualitas consilium ipsius vel præsentiam requirat. Singula perlustramus.

In primis hic quæri posset, quo modo id delegato permisum sit, utpote cujus fides vel industria electa videatur, ac proinde alium, qui delegatione non continetur, sibi subdelegare nequeat, arg. l. Inter artifices 31. D. De solut. junct. Diligenter 5. D. Mandati. Sed Resp. Riminaldus, hic num. 2, id locum non habere in delegatione simplici, sed ubi mandatum est, ut personaliter delegatus causam cognoscatur vel exequatur, per text. in c. fin. §. 2, hoc

tit. & d. l. Inter artifices in V. specialiter. Quod quandoque ex ipsa causa delegata coligitur, ut in specie c. Is cuiusvers sed si non expressa hoc sit. in 6. * Deinde in delegatione simpliciter facta a Principe regulariter a jure inest potestas subdelegandi, text. hic & in c. Pastorali 28. impr. hoc sit. & d. c. fin. & in l. A. Indice 5. C. De iudic. Non igitur delegatus Principis subdelegando peccat, neque mandati fines egreditur, cum subdelegatio illa per jus idoneis & discretis fiat, sicut hic diserte addit textus. Nam quid interest, delegatus mandatum suum per se, vel per alium subdelegatum idoneum impluat: l. Veteris 8. C. De contrah. & commu stipulat.

Quæ autem personæ idoneæ sint ad suscipiendam hanc subdelegationem, declarat & constituit Bonifacius VIII. in c. Statutum 11, §. 1, iuncto §. in nullo, in verb. & personis dum taxat designatis, De rescript. in 6. videlicet Clerici in dignitate, vel personatu constituti, & Ecclesiastum Cathedra- lium Canonici, item Priores Conventuales, & Episcoporum Officiales, d. c. Statutum & c. 2. De rescript. in Clement.

Cæterum ex verbis text. nostri, quibus, ut dixi, liberum relinquitur delegato Sedis Apostolicae vices suas committere, si debilitate vel alia gravi causa impediatur, difficile exurgit argu-

mēt.

mentum, ut, si non impediatur, non possit subdelegare; estque argumentum deductum à contrario sensu, utroque jure receptum, c. Cum Apostolica 7, in fine inf. De his qua sunt à Prelatis &c. & l. 1, D. De eo cui mand. est iuris. At repugnat d.c. Pastorale 28 &c. fin. hoc tit. &l. A Indice 5. C. de iudic. quibus locis permittitur simpliciter delegato Principis subdelegate: imò tacite ex juris concessione mandato suo hoc continetur, quare & absque causa poterit subdelegare. Ut igitur hunc nodum solvat Panorm. hic num. 1, existimat justam causam impedimenti in delegato Principis requiri, quando vult subdelegatum compellere ad acceptandam subdelegationem. Verum hanc sententiam rectè refutat Decius hic num. 11. Si enim potest, inquit, sine causa subdelegare poterit, & gen. ea subdelegatum compellere, d.c. Pastorale in pr. Neque moverit argumentum à contrario sensu, quia illud cessat, ubi expressè aliud decisum est à jure, ne id, quod presumptivè ex sententia legis eruitur, juri expresso preferatur, ut est communis resolutio, teste eodem Decio, hic num. 12.

Quare constituti juris est, delegum summi Pontificis subdelegare posse, etiam sine causa, & iavitis partibus litigantibus, ut hic textus probat, in V liberum, & ibi Gl. Innoc. Panorm. & Decius: * dummodo delegatus malitiosè se non exoneret, iudicandi munere, & in subdelegatum rejiciat. Nam hac specie eti si delegatio ab eo facta valeat, si sponte a subdelegato recipiatur, renitentem tamen subdelegatum compellere non potest, d.c. Pastorale in pr. Neque enim malitia hominum à jure indulgetur, l. in fundo 39, circa fin. D. De re iuridice.

Porro quod additum est ad textus nostri moderationem videlicet de consilio vel praesentia subdelegantis, sensus hic est, ut si causa tanti momenti sit, ut opus habeat consilio subdelegantis, ea subdelegari debeat, adjecta clausula de requiringendo consilio subdelegantis; si praesentia abstineri debet à subdelegatione. Consilium vero requisivisse sufficit, etiam si illi non pareatur, text. in

c. Cum olim 7, inf. De arbitris. Idem est de consilio alicuius tertii requirendo, ut rectè hic Innoc. Sed quid si omisso consilio subdelegatus processerit? Et non valere sententiam ab eo latam idem Innoc. censet, quem & tacitè sequitur hic Panorm. siquidem subdelegatus nec cavit contra formam mandati, quæ erat diligenter servanda, c. Venerabili 37, hoc tit. inuncta l. Diligenter 5. D. Mandati. Vide quæ fuisis de hoc arguento hic Interpretes tractant, Decius præsertim. Nos reliqua perlequamur.

Ait igitur textus h. in fine. Nisi forte causa ita graves sint, quod sine praesentia tua non possint commode terminari; tales subdelegari non possunt, ut & aut è expostum est. * Quæ autem sint graves causæ hic queritur. Existimat Panorm. eas graves dici, quæ delegato suæ industria ratione committuntur, item causas matrimoniales. Sed rectius Decius hic num. 38, putat id reliquendum judicis arbitrio, juxta vulgatam juris sententiam, quæ ea, quæ non sunt à jure determinata, censemur arbitrio judicis reliqua, text. in l. 1. in fine D. De iure delib. l. 1, D. De effractorib. &c. 4. in fin. hoc tit. cum similibus. Intellige verò hoc loco Judicem ipsum delegatum, arg. c. Super litteris 20, sup. Derescr. Neque verum est, causas matrimoniales subdelegari non posse, cum contrarium constet ex c. Ex litteris 4, inf. De in integr. refutat. Quamvis hodie non nisi Episcopis committuntur ex confir. Concil. Trident. Sess. 24, c. 20, D. reform. Est quidem explorati juris, in iis, quæ respectu industria vel fidei personæ alicui committuntur, cessate subdelegationem, c. fin s. 1. hoc tit. &c. Is cuius 12, ord. in 6, verum id non sit propriæ causæ gravitatem, sed quia ita deleganti vilum fuit, ut ipsem delegatus causam exequatur: mandati autem fines diligenter sunt custodiendi, d.l. Diligenter D. Mandati. Itaque ut rem totam brevissimis verbis comprehendam, summi Principis delegatus semper subdelegare potest, nisi ejus industria electa fuerit, aut causæ gravitas subdelegationem dissuadeat, iurib. hattus alleg.

In Cap. Præterea 5.

S U M M A R I A.

1. Iudicis delegati potestas.
2. Concesso aliquo, ea omnia concessa intelligi, sine quibus illud consiliorum non potest.

R Escribit hoc Caput S. Pontifex, delegatum simpliciter constitutum posse partes compellere, centumaces coercere, omniaque facere, quæ ad causæ expeditionem spectant. Similis textus est in c. Suspicionis 39, §. 1, sed. Item eleganter Javolenus JC. cui jurisdi-

Jurisdictio, inquit, data est, ea quoque concessa videntur, sine quibus *jurisdictio* explicari non potest, l. 2. D. *De jurisdictio*. Quare citare poterit, c. 4, §. 1. sup. eod. item animadvertere in eos, qui *jurisdictionem* suam impediunt, cap. 1. sup. hoc tit. Sed hæc ita, dummodo delegati *jurisdictionem* non excedat; veluti si filius hæreditatem parentis habeat, adversarii vero excipiunt, cum filium legitimum non esse, ac proinde hæreditatem non debere admitti, profecto delegatus, si laicus sit, de hac quæstione, an filius legitimus sit, cognoscere non poterit, etiamsi hæreditatis quæstio absque illa decidi non possit, sed prius quæstio illa, quæ parentum matrimonium concernit, est ad *Judicem Ecclesiasticum* remittenda, per text. in c. Lator 5. inf. Qui filii sint legitimis, &c. pen. inf. De ordine cogniti. Reliqua vide apud Bart. & Jas. ad d. l. 2.

² Simile juris axioma esse, chm quid conceditur, censeri omnia concessa, sine quibus illud consistere vel usui esse non potest, tradit. Jas. in d. l. 2. num. 2. & multis hoc axioma comprobatur. Ad

majorem confirmationem insigne responsum Pomposii JC. adferamus deservitute, his verbis: *Refectionis gratia accedendi ad ea loca, que non serviant, facultas tributa est his, quibus servitus debetur: quātamen accedere ei si neceſſo, niſi in ſervitute nominatim preſinutum ſit, quā accederetur. Et paucis interje-ctis: Si prope tuum fundum ju[m] mihi eſt aquam rivo du-cere, tacita hac iura ſequuntur: ut reficerem h[ab]iri r[ati]o[n]e licet; ut adire quām proximè poſſim ad reficiendum cum ego, fabrique mei: item ut ſpatium relinquant mihi domi-nus fundi, quo dextrā & ſinistrā ad r[ati]o[n]e ſum a deam, & quo terram, limum, lapidem, arenam, calcem iacere poſsim. textus eſt in l. *Refectionis* 12. D. *Commun. prædior.* Addo & text. in l. *Veteres* 4. D. *De itinere auctiōne pri-vato.* Sic eleganter respondit Oldradus, cons. 11. in causa Hospitalis, cui à Sede Apostolica erant re-missa decimæ in uſum ſuorum pauperum, ut non tantum pauperes eo privilegio contineantur, ſed & inſervientes eidem Hospitali, quia ſine hiſ pauperes curari non poſſunt. Pluribus exemplis hæc res illuſtrari poſſet, niſi eſlet alienum à ma-teria proposita.*

In Cap. Quoniam Abbas 14.

S U M M A R I A.

1. *Delegatio facta expreſſo nomine proprio eſt personalis.*
2. *Facta ſub nomine appellativō transit ad ſuccēſſorem.*
3. *Quidam nomen proprium ſimul cum dignitate exprimatur.*
4. *Decretum Concilii Trid. hæc de re.*

Species hujus Capitis hæc eſt. Causa à ſummo Pontifice commiſſa ſuit duobus Abbaribus Leiceſtria & Viceſtria, ſuppreſſis eorum propriis nominibus. Mortuo Abbate Viceſtria, Abbas Leiceſtria diem certum ad agendum par-tibus dixit, ſuccēſſoremque Abbatis Viceſtria, porrecto ipſi S. Pontificis mandato, in ejusdem cauſe cogitationem adhibuit, ſententiaque ab utroque lata & tandem confirmata fuit à Pontif. Ubi in primo eſt notandum, quod delegatio quandoque fit expreſſo proprio nomine, ut pura Petro, Paulo, vel ſimili, quandoque ſub nomine appellativo, veluti Abbati, Epifcopo, Decano, Praepoſito. Et priori quidem cauſe delegatio mor-te ipſius delegati exſpirat, neque ad eius hæredem, ſive alium ſuccēſſorem tranſit, quia in de-legatione ratio ſolius personæ habita eſt, quā ex-tincta conſequenter etiam extinguitur delega-

tio, arg. e. *Sigriatō* 5. *Dereſcript. in 6. & l. Privilegia quadam* 196. D. *Dereg. iuriſ.* Panorm. hic num. 3. Decius ibid. num. 13. cum aliis ab eo citatis. Posteriori verò cauſe in ſuccēſſorem tranſit, per h. text. fi-quidem dignitas perpetua eſt; & proinde cum dignitatib[us] reſpectu ſit facta delegatio, meritò in ſuccēſſorem eiū tranſfunditur. Hinc eleganter à Cajo JC. responſum eſt de Princepe, cui legatum eſt relictum, eo mortuo, ante quam cederet dies legati, nihilominus ſuccēſſori eius deberi, l. *Quod Principi* 58. D. *De leg. 2. licet in legato reli-cto Augustæ diversum obtineat, nam eā mortuā defecit & legatum,* l. *Si Augusta* 59. D. eod. Verū hocideo, quod Augusta nullam dignitatem pro-priam habeat, ſed communicatam ſibi à Princeps; ut & reliqua uxores dignitatem habentium, l. *Famīna* 8. D. *De Senatorib[us]* & l. *Mulierib[us]* 13. C. *De digni-tatib[us]* lib. 10. Sed & posterior cauſa ita exaudiendus eſt, niſi aliter conſter de mente delegantis: veluti ſi delegatio facta h[ab]it ſub nomine quidem dignitatis, ſed habitā induſtria ratione, eruditio[n]is, aut fidei ipſius personæ nam & hoc cauſe delegatio in ſuccēſſorem non tranſit, ex ratione, c. fin. 9. 1. vers. *praterquam inf. eod.*

Cæterū quæſtionis eſt, ſi & proprium no-men

simul cùm dignitate exprimatur, ut v.g. Conrado Episcopo Esterensi, an ejus successor quoque continetur. Et verius est non contineri, quia præsumitur personæ habita ratio, arg. 1. *Servus* 37, D. *Desipulat. servor.* Atque hanc sententiam afferit & communem defendit Decius hic num. 45 cum seqq. Nisi ut rectè tradunt Panorm. hic num. 8. *Eidem* Decius num. 48. delegans sive committens non haberet ipsius delegati notitiam; quia tunc expressio nominis proprii nihil operaretur, sed iaspiceretur solum dignitatis nomen, *text. int.* Qui habebat 28, D. *Dereb dubius.*

Sed nolim hæc fuisus prosequi, propter Conc. Trid. *Seff. 25, c. 10, De re form.* quo omnes delegations sunt personales, hoc est, ad successorem non transeunt. Nam statuit, ut in singulis Conciliis provincialibus & diocesanis quatuor aut etiam plures personæ, quæ qualitates habeant,

In Cap. Prudentiam 21.

S U M M A R I A.

1. Plures delegati quomodo constituantur, & quid tunc juris.

Hæc Decretalis agit de pluribus delegatis Had eamdem causam constitutis, quod quandoque simpliciter, quandoque certa forma sit. Si simpliciter, necesse est, ut simul o-

mnes convenient: alioquin si unus eorum rebus humanis exemplus, vel aliter absens fuerit, reliqui in eadem causa procedere non possunt, c. *Vno delegatorum* 42, c. *Causam matrimonii* hoc tit. *Ob. l. Duo ex tribus* 9, D. *Dere judic.* ubi textus hanc rationem adfert, quod omnes judicari iussi sint, scilicet coniunctionem: at si disiunctum, vide quæ dixi in c. *Sciicitatus* 13, sup. *De rescriptis.*

In Cap. Super questionum 27.

S U M M A R I A.

1. *Delegatus S. Pont.* quatenus totam causam vel partem subdelegare possit.
2. *Et quid juris in ordinario delegante.*

Discimus ex hoc Capite delegatum summi Pontificis non tantum totam causam, sed vel principium, vel medium, vel finem unius vel pluribus subdelegare posse: hoc tamen discrimine observato, ut, si totam causam subdelegaverit, non ad se, sed ad delegantem suum, id est, Principem appelletur; si partem aliquam, tunc ad se, tamquam ad immediatè superiorem, *text. h. § porr. & int. l. § fin. D.* *Quis à quo appell.* Ratio distinctionis est, quia priori casu abdicavit à se iurisdictionem causæ totius, unde ad se tamquam Judicem provocari non potest: posteriori vero, cum adhuc Judex causæ persevereret, rectè ad eum

appellatur, d. § porr. *&c. S. delegatus* 7. § fin. eod in 6 His adversari videretur textus in l. un. in fine C. *Quis pro sua jurisd. &c.* ubi indistinctè constituitur, ad Principem, non ad delegatum ipsius appellari debere: item in d. l. §. 1. Sed uterque textus est accipiendus iuxta distinctionem iam dictam, quando scilicet integra causa alteri subdelegatur. Unde idem erit in delegato ad universitatem causarum, sive qui ad plures causas simul constitutus est; ut, si is unam causam subdelegaverit, ab eo non provocetur ad subdelegatum, sed ad Principem, cum nihil iurisdictionis sibi in illa causa retinuerit, d. l. §. 1. *Quis à quo appell.*

Sed an idem observandum sit in ordinario iudice, ut si is totam causam delegaverit, ipse provocandus sit, an eius superior? Et putat Alciat. in *Rubr. inf. De off. ordin.* 8. idem esse, quod in casu praecedenti, ob eamdem rationem. Sed fallitur Alci-

at. quia nihilominus ordinarius sibi ejusdem causæ jurisdictionem retinet, nisi quod actu eam non exerceat; nam eamdem causam, non obstante delegatione, ad suam notitiam revocare potest, l.

Iudicium solvit 58. D. De judic. Deinde sententiam à suo delegato latam ipse exequitur, l. A divo Pio 15, impr. D. De judic. Non igitur causæ delegatio- ne jurisdictionem à se abdicavit.

IN TIT. XXX. DE OFFICIO LEGATI.

Post Titulum de officio Judicis delegati sequitur recto ordine hic Tit. de officio Legati, quia uti delegatus fungitur munere Judicis superioris delegantis, sive is sit summus Pontifex, sive alius Judge ordinarius, ita & Lega-

tus gerit vices S. Pont. qui quia ubique praesens esse non potest, mittit in Provincias Legatos suo nomine, cum pleriori potestate, c. hoc tit. Quia de re repetit dicta in summa Juris Canonici lib. 1. Tit. xvii. V.A.

IN TIT. XXXI. DE OFFICIO JUDICIS ORDINARII.

Post Judices, qui extra ordinem à sancto Pontifice constituantur, sequitur de Judicibus ordinariis, quos locorum ordinarios vocat text. in c. 3. hoc tit. in 6. quiscilicet propriam jurisdictionem habent, dignitatis Ecclesiasticae ac muneri, quo funguntur, coharentem. Tales in primis sunt Episcopi, & alii Praefati Episcopo

minores, ut Ecclesiarum collegiarum & Monasteriorum Praefecti; qui tamen si fuerint negligentes in suis corrigendis, possunt Episcopivices & negligeantiam eorum supplere, c. Quanto 7. &c. Irrefragabilis & excessus hoc tit. Reliqua repetit ex summa Juris Can lib. 1. Tit. xvi. & dictis sup. ad Tit. xxix impr. V.A.

IN TIT. XXXII. DE OFFICIO JUDICIS.

De officio Judicis in genere hoc Titulo agitur. Ubi breviter notandum est, quod quemadmodum Judge interdum utiliter & ad nullius petitionem munere suo fungitur, veluti dum ea, quæ juris sunt, & minus allegata supplet, c. Bona memoria 3. sup. Depositular. Interdum vero necessarium, & ad partis petitionē, ut dum in integrum restituit, c. 2. hoc tit. dum parti litiganti,

quæ destitutus patrocinio, daraduocatum, c. 1. eod. ita & potentibus judicium seu actum justitiae interdum nobile, interdum mercenarium suum officium impendat. Hanc enim divisionem officii Judicis in nobile & mercenarium textus in d. c. 2. aut insinuat, aut ex eo saltē eliciunt & probant Interpretes. V.A.

IN TIT. XXXIII. DE MAIORITATE ET OBEDIENTIA.

Intra Ecclesiasticas personas, de quibus haec causa dictum est, quædam est præminentia, quæ in Rubr. dicitur Majoritas, ratione cuius qui minor est obligatur majori ad reverentiam & obedientiam. Majores autem aliqui habentur, vel ratione Ordinis, ut Diaconus Subdiacono, Diacono Sacerdos, c. Statuimus 15, hoc tit. vel ratione jurisdictionis & dignitatis, ut Archidiaconus major est Archipresbytero, qui tamen Ordinem minor est seu posterior, c. Ad hanc sup. De off. Archid vel ratione antiquitatis, ut qui prior tempo-

re est in ordine, c. 1. & d. c. Statuimus hoc tit. vel de- nique ex representatione personæ eminentioris quis prærogativam haberet, ut qui ordinatus est à Summo Pontifice quamvis per hoc non eximatur à jurisdictione sui Episcopi, c. per tuas 7. eod. Obedientia vero consistit in honoris exhibitione, honestioris loci sessione, & potissimum in eo, ut minor obediat præcepto majoris, modò intra li- mites jurisdictionis sua se contineat, nec quid mandet extra officium suum, & licita atque ho- nestata fiat, quæ imperat. V.A.

IN TIT.